



Broj: 01-16-12-1440- 13 /22
Banja Luka, 02.11. 2022. godine

Na osnovu člana 7. stav 1. Zakona o sistemu indirektnog oporezivanja u Bosni i Hercegovini („Službeni glasnik BiH“, broj: 44/03, 52/04, 34/07, 4/08, 49/09, 32/13 i 91/17), člana 25. Zakona o Upravi za indirektno oporezivanje („Službeni glasnik BiH“ broj: 89/05), člana 64. stav (1) tačka a) i člana 70. stav (3) Zakona o javnim nabavkama („Službeni glasnik BiH“ broj: 39/14), Direktor Uprave za indirektno oporezivanje, d o n o s i

O D L U K U

o izboru najpovoljnijeg ponuđača u otvorenom postupku za nabavku i isporuku toaletnog papira i ubrusa

I

Najpovoljnijom ponudom u otvorenom postupku za nabavku i isporuku toaletnog papira i ubrusa, ocjenjuje se ponuda ponuđača **Keckom d.o.o. Banja Luka, Ravnogorska 24**, sa kojim će se zaključiti Okvirni sporazum/Ugovor do procjenjene vrijednosti nabavke (100.000,00 KM bez PDV-a).

II

Izabrani ponuđač **Keckom d.o.o. Banja Luka, Ravnogorska 24**, dužan je u roku od pet (5) dana, računajući od dana prijema Odluke o izboru, dostaviti dokaze iz tačke 7.1.3. predmetne Tenderske dokumentacije (Uvjerenja kojima se potvrđuje vjerodostojnost izjave o ispunjavanju uslova iz člana 45. ZJN - original ili ovjerena kopija, ne starija od 3 mjeseca, računajući od dana dostavljanja ponude).

III

Po okončanju roka za žalbu, Ugovorni organ će sa izabranim ponuđačem zaključiti Okvirni sporazum kojim će se regulisati međusobna prava i obaveze.

O b r a z l o ž e n j e

Odlukom direktora, broj: 01-16-12-1440/22 od 15.06.2022. godine, odobreno je provođenje otvorenog postupka za prikupljanje ponuda za nabavku i isporuku toaletnog papira i ubrusa.

Procjenjena vrijednost okvirnog sporazuma iznosi 100.000,00 KM bez PDV-a, od čega na godišnjem nivou 50.000,00 KM bez PDV-a.

Sredstva za predmetnu nabavku su osigurana u Budžetu/Finansijskom planu ugovornog organa na poziciji 613484.

Slijedom navedene Odluke, dana 20.07.2022. godine izvršeno je objavljivanje Obavještenja o nabavci broj: 743-1-1-59-3-48/22 na Portalu javnih nabavki.

Zajedno sa objavljivanjem Obavještenja o nabavci na Portalu javnih nabavki, izvršeno je i objavljivanje na WEB sajtu Ugovornog organa- UIO.

Dana 11.08.2022. godine u 12.15h, u prostorijama Uprave za indirektno oporezivanje, Banja Luka, Ulica Bana Lazarevića bb, Komisija je pristupila javnom otvaranju blagovremeno pristiglih ponuda.

Na osnovu Izvještaja o preuzimanju Tenderske dokumentacije od strane ponuđača, utvrđeno je da je Tendersku dokumentaciju za nabavku i isporuku toaletnog papira i ubrusa, preuzelo 18 ponuđača.

U Zapisniku o otvaranju ponuda broj: 02-16-12-1440-8/22 od 11.08.2022. godine, Komisija je konstatovala da su blagovremeno dostavljene tri (3) ponude, i to ponude ponuđača:

02/1-1
03.11.22
4
K
04.11.22
J

- Aero Exclusive d.o.o. Sarajevo, Kolodvorska 12,
- Keckom d.o.o. Banja Luka, Ravnogorska 24,
- Primaprom d.o.o. Banja Luka, Vidovdanska bb,

te da su isti u svojoj ponudi iskazali cijene i ostale potkriterijume u okviru kriterijuma ekonomski najpovoljnije ponude kako slijedi:

Naziv ponuđača	Potkriterijumi u okviru kriterijuma ekonomski najpovoljnije ponude	Ponuđeni popust
Aero Exclusive d.o.o. Sarajevo, Kolodvorska 12	Cijena: 159.460,00 KM bez PDV-a, Rok isporuke: 1 kalendarski dan	NEMA
Keckom d.o.o. Banja Luka, Ravnogorska 24	Cijena: 150.100,00 KM bez PDV-a, Rok isporuke: 1 kalendarski dan	NEMA
Primaprom d.o.o. Banja Luka, Vidovdanska bb	Cijena: 178.360,00 KM bez PDV-a, Rok isporuke: 1 kalendarski dan	NEMA

Nakon otvaranja ponuda, Komisija je na zatvorenoj sjednici pristupila postupku preispitivanja dostavljenih ponuda u smislu kvalifikovanosti i prihvatljivosti istih, shodno predmetnoj Tenderskoj dokumentaciji, te je nakon izvršenog uvida u dostavljene ponude, utvrdila da:

- Ponuda ponuđača **Aero Exclusive d.o.o. Sarajevo, Kolodvorska 12**, ne ispunjava sve zahtjeve Ugovornog organa definisane predmetnom Tenderskom dokumentacijom.

Naime, tačkom 7.3.1. predmetne Tenderske dokumentacije propisano je da, što se tiče tehničke i profesionalne sposobnosti, ponuđači trebaju ispuniti minimalne uslove iz člana 49. Zakona, između ostalog i:

- da je ponuđač u posljednje 3 godine od dana objave Obavještenja o nabavci ili od datuma registracije, ako je ponuđač počeo sa radom prije manje od tri godine, **uspješno izvršio najmanje jedan ugovor o isporuci predmetne robe koja je predmet ove javne nabavke**, čija vrijednost jednog ugovora iznosi **minimalno 40.000,00 KM bez PDV-a**.

Nadalje, tačkom 7.3.2. propisano je da će se ocjena tehničke i profesionalne sposobnosti ponuđača izvršiti na osnovu dokaza, između ostalih i:

a) **Spisak uspješno izvršenih ugovora o isporuci robe koja je predmet nabavke** za period ne duži od tri godine od dana objave Obavještenja o nabavci ili od datuma registracije, ako je ponuđač počeo sa radom prije manje od tri godine, čija vrijednost jednog ugovora iznosi **minimalno 40.000,00 KM bez PDV-a**, (original ovjereno od ponuđača).

b) Uz popis izvršenih ugovora ponuđač je dužan dostaviti **Potvrdu o uredno izvršenom Ugovoru**, (original ili ovjerena kopija nadležnog organa), koja je u vezi sa popisom izvršenih ugovora, koje su izdali primaoci robe (Naručioci u smislu Zakona o javnoj nabavci), **da je izvršio najmanje jedan zadovoljavajući Ugovor**, u periodu ne dužem od tri godine, računajući od dana objave Obavještenja o nabavci ili od datuma registracije, ako je ponuđač počeo sa radom prije manje od tri godine, **čija vrijednost jednog Ugovora mora biti minimalno 40.000,00 KM bez PDV-a**.

Navedena potvrda mora najmanje sadržavati slijedeće podatke:

- naziv i sjedište ugovornih strana ili privrednih subjekata,
- predmet ugovora,
- **vrijednost ugovora**,
- **vrijeme i mjesto izvršenja ugovora** i
- navode o uredno izvršenim ugovorima.

Uvidom u ponudu koju je dostavio ponuđač **Aero Exclusive d.o.o. Sarajevo, Kolodvorska 12**, Komisija je utvrdila da isti nije ispunio gore navedene uslove, obzirom da je dostavio spisak za 4 izvršena ugovora od kojih su tri sa vrijednošću manjom od 40.000,00 KM bez PDV-a, te jedan u vrijednosti iznad 40.000,00 KM bez PDV-a, **koji nije izvršen u potpunosti**.

Naime, uz spisak izvršenih ugovora, ponuđač **Aero Exclusive d.o.o. Sarajevo, Kolodvorska 12** dostavio je i potvrde o urednom izvršenju ugovora, kako slijedi:

- Potvrda o uredno izvršenom ugovoru, koju je izdala JU Kantonalna bolnica Zenica, kojom se potvrđuje da je navedeni ponuđač **izvršio dio ugovorenih obaveza** po zaključenom Okvirnom sporazumu od **10.03.2021. godine**, a koji se odnose na **nabavku materijala za održavanje higijene** za potrebe JU Kantonalna bolnica Zenica, **što uključuje isporuku papirno higijenskog programa**. U navedenoj potvrdi je naznačena vrijednost ugovora-okvirnog sporazuma: 189.827,60 KM bez PDV-a,

kao i **ukupna ugovorna realizacija na dan 29.07.2022.** godine u iznosu od 99.571,61 KM bez PDV-a. Kao vrijeme izvršenja naznačen je period od 08.03.2021. do 29.07.2022. godine, pri čemu se na osnovu priložene potvrde zaključuje da je navedeni ugovor **još uvijek na snazi**, te da je navedena vrijednost zapravo **samo realizacija na dan 29.07.2022. godine**. Takođe, iz priloženog je vidljivo da je **okvirni sporazum zaključen 10.03.2021. godine**, a za **period izvršenja ugovora je kao početni datum naveden 08.03.2021. godine**.

- Potvrda o uredno izvršenom ugovoru, koju je izdao Univerzitet u Sarajevu, Veterinarski fakultet, a odnosi se na sredstva za održavanje higijene, toaletnog papira i ručnika i sredstva za dezinfekciju ruku, za potrebe Veterinarskog fakulteta Sarajevo, čija je vrijednost **5.899,60 KM bez PDV-a**.

- Potvrda o uredno izvršenom ugovoru, koju je izdala Mikrokreditna fondacija MI-Bospo Tuzla, a odnosi se na kancelarijski i **higijenski materijal**, pri čemu se za higijenski materijal navodi iznos od **21.489,60 KM bez PDV-a**.

- Potvrda o uredno izvršenom ugovoru, koju je izdala Mikrokreditna fondacija MI-Bospo Tuzla, a odnosi se na kancelarijski i **higijenski materijal**, pri čemu se za higijenski materijal navodi iznos od **18.676,75 KM bez PDV-a**.

Imajući u vidu gore navedeno, a obzirom da navedeni ponuđač nije dostavio adekvatnu potvrdu o uredno izvršenim ugovorima, u smislu **vrijednosti ugovora**, te u smislu da za potvrdu o uredno izvršenom ugovoru, čija je vrijednost iznad 40.000,00 KM, **nije naveden period trajanja ugovora**, već period izvršenja i **realizacija na dan 29.07.2022. godine**, te nije adekvatno naveden **datum zaključenja ugovora**, na osnovu Okvirnog sporazuma, koji je po osnovu navedenih datuma zaključen **nakon Ugovora**, odnosno iz čega proizilazi da je navedeni ugovor i dalje na snazi, to je Komisija utvrdila da je ponuda ponuđača **Aero Exclusive d.o.o. Sarajevo, Kolodvorska 12** neprihvatljiva, te da ne može biti predmet daljeg vrednovanja.

- Ponuda ponuđača **Keckom d.o.o. Banja Luka, Ravnogorska 24** ispunjava sve zahtjeve Ugovornog organa definisane predmetnom Tenderskom dokumentacijom, te je ista ocijenjena kao formalno-pravno i tehnički prihvatljiva i može biti predmet daljeg vrednovanja.

Prilikom ispitivanja ponude navedenog ponuđača uočeno je neslaganje ukupne cijene ponude (bez PDV-a i sa PDV-om) u Aneksu 2- Obrazac za ponudu u odnosu na ukupnu cijenu ponude (bez PDV-a i sa PDV-om) u Aneksu 3- Obrazac za cijenu ponude.

Članom 17. Uputstvo za pripremu modela tenderske dokumentacije i ponuda („Službeni glasnik BiH“, broj: 90/14), propisano je da je Ugovorni organ obavezan provjeriti računsku ispravnost ponude i o istom obavijestiti ponuđača i tek nakon što ponuđač pismeno prihvati ispravku računске greške, nastaviti rad sa unesenom ispravkom.

Nadalje, odredbom člana 68. Zakona o javnom nabavkama („Službeni glasnik BiH“, broj: 39/14) propisano je da je Ugovorni organ dužan odbaciti ponudu u slučaju da za ponudu ponuđač nije pisanim putem prihvatio ispravku računске greške.

Slijedom navedenog, Ugovorni organ je dana 29.09.2022. godine, putem e-maila, zatražio od ponuđača **Keckom d.o.o. Banja Luka, Ravnogorska 24** da dostavi pismenu saglasnost/potvrdu na ispravku računске greške, te je isti u propisanom roku elektronskim putem i putem pošte dostavio odobrenje ispravke računске greške, koja je uočena u ponudi, tako da cijena ponude prema zadanom Aneksu 2 – Obrazac za ponudu, iznosi:

“UKUPNA CIJENA PONUDE, BEZ PDV-a:

Brojem: 150.100,00 KM bez PDV-a

Slovima: (stotinupedesethiljadastotinu i 00/100),

POPUST:

Brojem: 0,00 KM,

Slovima: nula,

UKUPNA CIJENA PONUDE SA POPUSTOM BEZ PDV-a:

Brojem: 150.100,00 KM bez PDV-a

Slovima: (stotinupedesethiljadastotinu i 00/100),

PDV (17%): 25.517,00 KM

Slovima: (dvadesetpethiljadapetstotinasedamnaest i 00/100),KM

UKUPNA CIJENA PONUDE SA POPUSTOM i SA PDV-OM:

Brojem: 175.617,00 KM SA PDV-om

Slovima (stotinusedamdesetpethiljadašeststoinasedamnaest i 00/100)".

Zahtjev za saglasnost i saglasnost za ispravku računске greške čini sastavni dio Zapisnika o ocjeni ponuda i radu Komisije.

U postupku preispitivanja navedene ponude, uočeno je da je ponuđač **Keckom d.o.o. Banja Luka, Ravnogorska 24** ponudio cijenu koja je iznad procijenjene vrijednosti nabavke.

- Ponuda ponuđača **Primaprom d.o.o. Banja Luka, Vidovdanska bb** ispunjava sve zahtjeve Ugovornog organa definisane predmetnom Tenderskom dokumentacijom, te je ista ocijenjena kao formalno-pravno i tehnički prihvatljiva i može biti predmet daljeg vrednovanja.

U postupku preispitivanja navedene ponude, uočeno je da je ponuđač **Primaprom d.o.o. Banja Luka, Vidovdanska bb** ponudio cijenu koja je iznad procijenjene vrijednosti nabavke.

Obzirom da je tačkom 9.1. predmetne Tenderske dokumentacije, propisano da se izbor najpovoljnijeg ponuđača vrši na osnovu ekonomski najpovoljnije ponude u skladu sa podkriterijumima: Cijena- 90%, Rok isporuke- 10%, Komisija je sačinila rang listu prihvatljivih ponuda, kako slijedi:

R. Br.	Naziv ponuđača	Ponuđena cijena KM bez PDV-a 90%	Bodovi	Rok isporuke 10%	Bodovi	UKUPNO BODOVI
1.	Keckom d.o.o. Banja Luka, Ravnogorska 24	150.100,00	90	1	10	100
2.	Primaprom d.o.o. Banja Luka, Vidovdanska	178.360,00	75,74	1	10	85,74

Slijedom navedenog, a imajući u vidu da je tačkom 6.1.3. Tenderske dokumentacije propisano da se Ugovorni organ ne obavezuje da će predviđene količine robe biti realizovane u potpunosti, da će robu nabavljati sukcesivno tokom ugovorenog vremenskog perioda putem pisanih narudžbenica, kojim će se definisati količina pojedinih artikala, te shodno jediničnim cijenama do procijenjene vrijednosti nabavke, a da je ponuđač **Keckom d.o.o. Banja Luka, Ravnogorska 24**, dostavio tehnički zadovoljavajuću ponudu, to je Komisija dala preporuku direktoru UIO da se u otvorenom postupku za prikupljanje ponuda za nabavku i isporuku toaletnog papira i ubrusa najpovoljnijom ponudom ocijeni ponuda ponuđača **Keckom d.o.o. Banja Luka, Ravnogorska 24**, čija ukupna cijena ponude iznosi 150.100,00 KM bez PDV-a i koji je ponudio rok isporuke 1 kalendarski dan, te da se sa navedenim ponuđačem zaključi Okvirni sporazum do procijenjene vrijednosti nabavke (100.000,00 KM bez PDV-a).

NAPOMENA: Izabrani ponuđač **Keckom d.o.o. Banja Luka, Ravnogorska 24**, dužan je u roku od pet (5) dana, računajući od dana prijema Odluke o izboru, dostaviti dokaze iz tačke 7.1.3. predmetne Tenderske dokumentacije (Uvjerenja kojima se potvrđuje vjerodostojnost izjave o ispunjavanju uslova iz člana 45. ZJN - original ili ovjerena kopija, ne starija od 3 mjeseca, računajući od dana dostavljanja ponude).

Prihvatajući prijedlog Komisije, odlučeno je kao u dispozitivu ove odluke.

Pouka o pravnom lijeku: Ponuđač koji smatra da je Ugovorni organ u toku postupka izvršio povredu odredbi Zakona o javnim nabavkama ima pravo uložiti žalbu.

Žalba se podnosi Uredu za razmatranje žalbi putem Uprave za indirektno oporezivanje, Ulica Bana Lazarevića bb, Banja Luka, u pisanoj formi u tri primjerka, u roku od 10 dana od dana prijema ove odluke.

Shodno članu 108. Zakona o javnim nabavkama žalilac je obavezan platiti naknadu za pokretanje žalbenog postupka.

Uplata naknade vrši se u skladu sa Instrukcijom o načinu uplate, kontrole i povrata naknada propisanih članom 108. Zakona o javnim nabavkama („Službeni glasnik BiH“, broj: 86/14).

Dostaviti:

1. 01,
2. 02/1x2,
3. Arhiva.

DIREKTOR



Dr. Miro Džakula

